



ROLLS-ROYCE | MAKLUMAT MEDIA

BOAT TAIL:  
BABAK BAHARU

20 Mei 2022 – Goodwood, West Sussex

- Roll-Royce Motor Cars akan memperkenalkan reka bentuk terbaharu coachbuilt Boat Tail
- Diperlihatkan kepada umum secara global di Concorso d'Eleganze, Villa d'Este pada 21 Mei 2022.
- Boat Tail melambangkan kemuncak keupayaan label coachbuilding
- Direka oleh seorang pelanggan sebagai penghormatan kepada bapanya dan warisan keluarga
- Kemasan luaran yang unik dan perincian dalaman diinspirasi dari ibu mutiara.

"Coachbuild mengangkat hasil kerja kami sebagai House of Luxury ke aras yang lain, ia umpama haute couture industri kami. Bagi pemilik yang menempahnya, ia memberikan keperibadian tersendiri, ekspresi diri dan penampilan Bespoke. Jauh dari sekadar kereta yang cantik, reka cipta sebuah coachbuild menjadi legasi yang begitu luarbiasa melambangkan peribadi dan emosi yang senada dengan setiap pemiliknya.

Bagi pereka kami, Coachbuilt memberikan kebebasan kreativiti yang tiada tandingannya, peluang untuk mengangkat reka cipta, material, kejuruteraan dan kerja seni ke aras tertinggi. Bagi Rolls-Royce sebagai label pula, ia umpama 'sirih pulang ke gagang' dan pada masa yang sama merupakan revolusi kontemporari, di mana kami berjaya menghasilkan sesuatu yang mustahil dalam pembuatan automotif konvensional menjadi suatu realiti yang menakjubkan.

Torsten Müller-Ötvös, Ketua Pegawai Eksekutif, Rolls-Royce Motor Cars

ROLLS-ROYCE  
MOTOR CARS



"Setiap tempahan khas Rolls-Royce adalah begitu istimewa; namun untuk kali ini , ia disertai dengan jiwa yang begitu mendalam. Mereka cipta sebuah kereta untuk melambangkan sanjungan seorang pelanggan yang dihormati terhadap bapanya merupakan satu peluang yang sangat luar biasa; satu amanah yang kami ambil dengan sepenuh jiwa. Keakraban pemilik dengan Boat Tail memberikan kami inspirasi - pencapaian yang jauh mengatasi sekadar satu alat pengangkutan tetapi juga sebuah hasil seni yang bergerak."

Alex Innes, Ketua Reka Bentuk Coachbuild, Rolls-Royce Motor Cars

Rolls-Royce Motor Cars berbesar hati untuk mempersembahkan episod terbaharu rekaan Coachbuild Boat Tail yang dibina khusus berdasarkan kehendak penempah atau pemiliknya – hanya satu daripada tiga yang telah dihasilkan dan pernah dihasilkan.

Intipati setiap rekaan Coachbuild Rolls-Royce adalah unik dan begitu personal kepada pemiliknya, yang mencerminkan sejarah, cita rasa dan perasaan tersendiri. Berpegang kepada aspek ini, Boat Tail yang didedahkan di Concorso d'Eleganze, Villa d'Este 2022, terletak di tepi Tasik Como di utara Itali , adalah suatu karya agung penuh kawalan, kecanggihan, keanggunan dan perincian .

Boat Tail adalah hasil tukang tangan sepenuhnya, dengan panel badan diperbuat daripada sekeping aluminium yang lebar untuk menghasilkan bentuk khusus yang diilhamkan daripada sebuah kapal layar perlumbaan awal abad ke-20. Sememangnya, kereta ini begitu unik dari segala segi.

Kereta istimewa ini ditempah oleh seorang yang telah mengusahakan industri mutiara, sebuah perniagaan keluarga yang dimulakan oleh bapanya. Beliau yang telah jauh mengembara, berpendidikan luar negara dan mempunyai citarasa kosmopolitan dan berpengaruh merupakan seorang peminat hasil seni yang memiliki koleksi kereta klasik dan moden yang ditempatkan di sebuah muzium persendirian.

Mutu kecanggihan, hasil dari pengalaman luas penempah tentang aspek kemewahan, jelas ditampilkan melalui objek seni yang menjadi idaman ini. Gabungan reka cipta

ROLLS-ROYCE  
MOTOR CARS



keseluruhan yang terkawal, kajian mendalam terhadap material dan perincian sempurna menzahirkan sebuah penghormatan yang amat tersendiri dan penuh emosi terhadap bapa pemilik.

Pada permulaan proses melaksanakan permintaan pelanggan, beliau menunjukkan kepada pasukan pereka Rolls-Royce Coachbuild empat pilihan cengkerang mutiara, yang dipilih sendiri daripada koleksi peribadinya berdasarkan faktor kunikannya.. Cengkerang ini memberi inspirasi untuk warna luaran, yang merupakan salah satu kemasan Bespoke paling kompleks pernah dicipta oleh Rolls-Royce.

Warna asasnya adalah gabungan kilauan tiram dan ros lembut yang besar dan putih dihiasi pula dengan serbuk mika gangsa, sekali gus menambah kualiti unik seakan-akan mutiara yang akan berubah secara *subtle* di bawah cahaya berbeza. Bonet kereta berwarna Cognac yang kontras, dicipta khusus untuk Boat Tail ini, dengan kepingan mika aluminium keemasan dan dihiasi lapisan kristal serta dipadankan dengan warna cerah menyerlahkan lagi penampilannya.. Gentian fiber di bahagian bawah Boat Tail turut menggabungkan anyaman benang rose gold.

Di dek belakang yang menempatkan hosting suite Boat Tail berbentuk rama-rama, seolah-olah dilitupi lapisan kayu venier warna Royal Walnut, bertatahkan jaluran bersalut warna rose gold dengan kemasan berus satin untuk memastikan penampilan yang sensitif dan canggih. Warna Royal Walnut dipilih khusus oleh pelanggan kerana keindahannya seusia yang akan berubah tona secara perlahan-lahan. Dari pandangan atas, dapat dilihat keharmonian pada iced bonet dan sentuhan kayu di bahagian dek belakang, berkontras dengan bahagian hadapan dan sisi yang berkilat.

Dari sisi depan, gril Pantheon, ditempa dari kepingan aluminium pejal dan dihiasi ornamen *Spirit of Ecstasy* berwarna rose gold.

Kemasan dalaman yang indah pula menampilkan gabungan sempurna hasil padanan kulit berwarna Cognac dan warna tiram serta venier Royal Walnut, bertona rose gold dan mutiara. Menonjolkan lagi keunggulannya, tempat duduk kulit yang dilengkapi kemasan mutiara menyerlahkan permukaan dan bentuk tempat duduk Boat Tail serta

ROLLS-ROYCE  
MOTOR CARS



reka bentuk dalamannya. Terowong transmisi diperbuat daripada venier Royal Walnut dengan jalur rose gold membuatkan penglihatan terus terarah ke dek belakang dan menambah keindahan dalaman Boat Tail.

Di bahagian tengah papan pemuka ialah jam tangan yang diperbuat daripada ibu mutiara, koleksi peribadi pemilik kereta tersebut; fascia yang sederhana dan minimal agar material bermutu itu lebih terserlah. Material yang sama turut menghiasi suis kawalan dan dial instrumen permukaan bagi menzahirkan secara visual dan material jalinan akrab di antara kereta, pemilik dan warisan keluarganya.

Alex Innes, Ketua Reka Bentuk Coachbuild berkata, "Boat Tail ialah perubahan penting dalam kepintaran dan kebebasan kreativiti. Membina kenderaan bermotor dengan tangan membuktikan kita dapat mencapai sesuatu dan mengharungi cabaran yang mungkin terhalang oleh kaedah perindustrian sedia ada. Inilah kisah dua dunia: penghasilan kenderaan moden bermotor dengan reka bentuk kontemporari, dapat diciptakan melalui teknik tradisi dan seni yang diperturunkan selama bertahun-tahun lamanya. Ternyata ia tiada tolok bandingan.

- TAMAT -

ROLLS-ROYCE  
MOTOR CARS



## KONTAK | regional

Nurul Azimah	+65 8606 1052	<a href="mailto:nurul.azimah@rrmcapac.com">nurul.azimah@rrmcapac.com</a>
Kristen Lim	+65 8189 9892	<a href="mailto:kristen.lim@rrmcapac.com">kristen.lim@rrmcapac.com</a>
Vera Chen	+65 9816 2480	<a href="mailto:vera.chen@rrmcapac.com">vera.chen@rrmcapac.com</a>
Lim Shen Yee	+60 12 218 9015	<a href="mailto:shen.yee@rrmcapac.com">shen.yee@rrmcapac.com</a>
Yvonne Brigitte	+62 819 0635 2975	<a href="mailto:yvonne.b@rrmcapac.com">yvonne.b@rrmcapac.com</a>
Chloe Bui	+84 38 7717442 ^	<a href="mailto:chloe@rrmcapac.com">chloe@rrmcapac.com</a>
Chutinun Guna-Tilaka	+66 61 956 2939	<a href="mailto:chutinun@imageimpact.co.th">chutinun@imageimpact.co.th</a>
Hal Serudin	+65 6838 9675	<a href="mailto:hal.serudin@rolls-roycemotorcars.com">hal.serudin@rolls-roycemotorcars.com</a>
Helpdesk	+65 9017 6272 *	<a href="mailto:info@rrmcapac.com">info@rrmcapac.com</a>
	+66 83 076 6196	

\*WhatsApp / ^Zalo

ROLLS-ROYCE  
MOTOR CARS